



**CANTON SARAJEVO
ASSEMBLY**

Komisija za izbor i imenovanja i administrativna pitanja

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ broj: 34/03 i 65/13), člana 21. Zakona o pravobranilaštvu -Novi prečišćeni tekst („Službene novine Kantona Sarajevo“, broj: 33/08, 7/12 i 44/16) i člana 37. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13 i 47/15, 48/16, 9/20 i 14/20) Komisija za izbor i imenovanja i administrativna pitanja Skupštine Kantona Sarajevo objavljuje

**JAVNI OGLAS
ZA IMENOVANJE NA UPRAŽNJENU POZICIJU**

Zamjenik pravobranioca Pravobranilaštva Kantona Sarajevo- 1 izvršilac na neodređeno vrijeme

Opis poslova: Zamjenik pravobranioca vrši poslove iz djelokruga Pravobranilaštva koje mu odredi pravobranilac. U zastupanju pred sudovima i drugim organima zamjenik ima ovlaštenja pravobranioca. Kad je pravobranilac spriječen ili odsutan, zamjenjuje ga zamjenik koga on odredi. Kandidat za imenovanje na poziciju zamjenika pravobranioca Pravobranilaštva Kantona Sarajevo, dužan je ispunjavati slijedeće opće i posebne uslove:

a) Opći uslovi:

- da je državljanin Bosne i Hercegovine i Federacije BiH,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- da nije obuhvaćen odredbom člana IX 1. Ustava Bosne i Hercegovine.

b) Posebni uslovi:

- završen Pravni fakultet (Diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja),
- položen pravosudni ispit,
- iskustvo u radu na imovinsko-pravnim poslovima u pravobranilaštvu, pravosudnim organima ili pravnim poslovima u drugim državnim organima, preduzećima i drugim pravnim licima, u trajanju od najmanje pet (5) godina, nakon položenog pravosudnog ispita, koji je radeći u tim organima i



pravnim licima stekao ugled pravnog stručnjaka i koji posjeduje najviše moralne osobine za obavljanje službe zamjenika pravobranioca Pravobranilaštva Kantona Sarajevo,
- ne vrši inokosnu funkciju niti je član izvršnog tijela političke organizacije, u skladu sa članom 26. stav 2. Zakona o pravobranilaštvu.

Kandidati su dužni uz prijavu, koja sadrži biografiju-CV, adresu i kontakt telefon, priložiti slijedeće dokumente:

- diplomu o završenom Pravnom fakultetu,
- uvjerenje o položenom pravosudnom ispitu,
- uvjerenje –potvrdu o radnom iskustvu (ne stariju od 6 mjeseci),
- uvjerenje o državljanstvu (ne starije od 6 mjeseci),
- izvod iz matične knjige rođenih,
- izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije ili izjavu da nije radio u državnoj službi,
- izjavu da kandidat nije obuhvaćen članom IX 1. Ustava Bosne i Hercegovine,
- izjavu da ne vrši inokosnu funkciju niti je član izvršnog tijela političke organizacije, u skladu sa članom 26. stav 2. Zakona o pravobranilaštvu.

Dokumenti koji se prilažu moraju biti originalni ili ovjerene kopije.

Zamjenik pravobranioca imenuje se bez ograničenja trajanja mandata.

Svi kandidati koji budu ispunjavali opće i posebne uslove bit će pozvani na intervju.

Kandidat koji bude imenovan za zamjenika pravobranioca Pravobranilaštva Kantona Sarajevo naknadno će dostaviti uvjerenje o zdravstvenoj sposobnosti za obavljanje poslova za koje se kandidovao.

Skupština Kantona Sarajevo osigurat će da se izvrše javne objave konačnog imenovanja na upražnjene pozicije.

Bilo koji kandidat ili zainteresirana stranka, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom.

Prigovor se podnosi istovremeno Skupštini Kantona Sarajevo i Ombusmenu Federacije BiH.

Javni oglas će biti objavljen u „Službenim novinama FBiH“ i dnevnom listu „Oslobođenje“ i na web stranici Skupštine Kantona Sarajevo. Rok za dostavljanje prijava je 15 (petnaest) dana od dana posljednjeg objavljivanja oglasa.

Nepotpune i neblagovremene prijave neće se razmatrati.

Prijave sa svim traženim dokumentima mogu se dostaviti lično ili poštom, sa naznakom: „Prijava za javni oglas za upražnjenu poziciju zamjenika pravobranioca Pravobranilaštva Kantona Sarajevo-NE OTVARATI“, na slijedeću adresu: „Komisija za izbor i imenovanja i administrativna pitanja Skupštine Kantona Sarajevo, ul. Reisa Džemaludina Čauševića broj 1, Sarajevo.

Broj: 01-04-42389/21
Sarajevo, 22.11.2021.godine

PREDSJEDAVAJUĆA KOMISIJE
Danijela Kristić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

